


古逸詩載
三之四





漢書門
類
號
函
架
冊

一
一
八
二
四

內閣文庫
漢書
一一一〇五
三九函
三四冊
三架

內閣文庫
番號 漢 11105
冊數 4 (2)
函號 319 16







古逸詩載第二冊目錄

魯 卷三

桓公十生成季兆

哀公孔子誄

孔子去魯歌

楚聘歌

螽蛄歌

孤鷄歌

筮辭

羽父引周諺

臨河歌

丘陵歌

鷓鴣歌

龜山操

淺草文庫

陬操

槃操

猗蘭操

獲麟歌

曳杖歌

秘書

素書

引逸詩

子思子引逸詩

曾參歸耕操

殘形操

梁山操

閔子崔子渡河操

子夏端門血書

左丘明引逸詩

原壤登木歌

魯人驚孔子誦

比考謔

墨子引逸詩

臯魚引古語

魯仲連引諺

聲伯夢歌

魯童鸚鵡謔

商羊謔

魯人侏儒誦

鄉人南蒯歌

謝息引言

成人歌

魯郊丹鷄祝

茅鴟

昭人歌

魯保母伯姬引

次室女貞女引

魯女陶嬰黃鵠歌

柳下惠妻夫謚誄

齊

景公投壺辭

管夷吾弟子職

八章

諷桓公

引逸詩

甯戚飯牛歌

晏嬰齊臺歌

穗歌

役者歌

引諺

引詩

引諺

田穰苴引語

楊朱歌

莊周引聲歌

鼓盆歌

子桑琴歌

晉相和歌

引詩

引語

折揚

皇芻

犢牧子雉朝飛操

齊民遺寇歌

移河謠

東郭謠

萊人歌

齊人歌

菜芑歌

公孫夏虞殯

秋風入松栢曲

管仲妾白水

杞梁妻琴歌

田齊

懿仲妻陳敬仲繇

孟嘗君引語

淳于髡田者祝

騶衍引語

齊人頌

蘇秦引諺

狐援辭 二章

田單士卒倡

攻狄謠

齊人松栢歌

激楚

馮驩彈鋏歌 二章

田橫客挽歌 二章

卷四

晉

獻公伐驪戎繇

驪姬繇

嫁伯姬繇

伐虢謠

惠公謠

恭世子誦

輿人誦

厲公鄆陵繇

士蔦狐裘詩

引諺

優施暇豫歌

介子推士失志操

韓厥引古諺

伯宗引諺

羊舌職引諺

羊舌肸讒鼎銘

子服惠伯引諺

申叔時引言

輿人原田歌

師曠引諺

趙

文子引周諺

引古語

武靈王引諺

幽穆王山木謳

平原君引諺

肥義引諺

慎到引諺

趙人謠

女娟河激歌

處女鼓琴歌

魏

獻子引諺

魏人段干木歌

鄴民河內歌

張儀引周語

聶政刺韓王操

韓非引古諺

引語

蘇秦引諺

蘇代引諺

衛

獻公引古語

靈公石柳銘

莊公夢譟

筮夢繇

孫林父追鄭師繇

彪僕引諺

師涓離鴻

去鴈

蘋生

明晨

焦泉

朱華

流金

商飈

白雲

落葉

吹篷

巖凝

流陰

沉靈

流微

滌角

衛女思歸引

鄭

叔詹引諺

孔叔引諺

公子歸生引諺

公孫僑引諺

又諺

引古言

引逸詩

輿人子產誦

又誦

游吉古引言

列禦寇

引古語引諺

宋

正考父鼎銘

樂豫引諺

城者華元歌

駮乘答歌

役人又歌

築者澤門之督謳

野人婁豬歌

韓馮妻烏鵲歌首二

答天歌

吳

闔廬靈寶謠

墓石銘

伍員河上歌

申叔儀庚癸歌

童謠

吳國人小海唱

木客吟

紫玉歌

古逸詩載卷三

宣城麻三衡孟璿輯

魯

桓公

上生成季兆

左傳成季之將生也桓公使卜楚丘之父卜之曰男也其名曰友云云季氏亡則魯不昌又筮之遇大有之乾及生有文在其手曰友遂以名之有功于魯為上卿至于文子武子世增其業至季孫意如遂昭公哀公欲因越伐魯以去三桓而三桓之子孫亦微矣

其名曰友。在公之右。間于兩社。為公室輔。

筮詞

同復于父。敬如君所。

哀公

孔子誅

左傳哀公十五年四月己丑孔子卒公誅之云云責曰君其不沒也稱余一人非名也君兩失之昊天不弔不憖遺一老俾屏余一人以在位熒熒余在疚嗚呼哀哉尼父無自律喪尼父則無律

天不遺耆老莫相余位焉嗚呼哀哉尼父

檀弓

羽父

引周諺

左傳魯隱公十一年滕侯薛侯來朝爭長公使羽父請于薛侯曰周諺有之云周之宗盟異姓為後乃長滕侯

孔子

去魯歌

史記曰孔子相魯齊人遺女樂季桓子受之三日不聽政郊人致

膳俎于大夫孔子遂行宿乎屯而師已送之曰夫子則非罪孔子曰吾歌可夫歌曰云云桓子聞之曰夫子罪我以羣婢故也

彼婦之口。可以出奏。彼婦之謁。可以死敗。蓋優哉游哉。維以卒歲。彼婦之叩。可以出走。彼婦之謁。可以死北。優哉游哉。聊以卒歲。衝波傳

臨河歌

鄆道元水經注曰孔子適趙臨河不濟歎而作歌曰秋水衍兮。風揚波。舟楫顛倒。更相加。歸來歸。

來胡爲斯。

楚聘歌

一作大道歌大道隱兮。禮爲基。賢人竄兮。將待時。天下如兮。欲何之。孔叢子

丘陵歌

孔叢子曰東公使以幣如衛迎夫子而不能賞故夫子作丘陵之歌註言昏主之道難且險若丘陵然故作是歌以託意登彼丘陵。剡施其阪。仁道有邇。求之若遠。遂

迷不復。自嬰屯蹇。喟然迴慮。題彼泰山。鬱確其高。梁甫迴連。枳棘克路。陟之無緣。將伐無柯。患茲蔓延。惟以永歎。涕實潺湲。題顧也。梁甫。小山也。

蟪蛄歌

詩含神霧。曰孔子歌曰。云政尚靜而惡譁也。違山十里。蟪蛄之聲尚猶在耳。家語作猶在耳。

鶴鵠歌

韓詩內傳曰。孔子渡江。見鶴鵠。異之。眾莫能名。孔子曰。嘗聞河上人歌云。

鵠兮鵠兮。逆毛衰兮。一身九尾長兮。衝波傳

孤鷗歌

類要曰。孔子遊于濶山。見取薪而哭。長梓上有孤鷗。乃承而歌之曰。鷗彼鳴鷗。在巖山之陰。

龜山操

琴操曰。季桓子受齊女樂。孔子欲諫。不得退。而望魯龜山。作此曲。以喻季氏若龜山之蔽魯也。予欲望魯。今龜山蔽之手。無斧柯。柰龜山何。

陬操

周道衰微。禮樂陵遲。文武既墜。吾將焉歸。周

史記世家曰孔子既不得用于衛將西見趙簡子至于河而聞竇鳴犢舜華之死臨河而歎曰美哉水淫淫乎丘之不濟此命也夫子貢曰何謂也孔子曰竇鳴犢舜華晉國之賢大夫也趙簡子未得志之時須此兩人而后從政及其已得志殺之乃從政止聞之也割胎殺天則麒麟不至郊竭澤涸漁則駘龍不合陰陽覆巢毀卵則鳳凰不翔何則君子諱傷其類也夫鳥獸之于不義也尚知辟之而况乎丘哉乃還息乎陬鄉

作爲陬操以哀之

遊天下靡邦可依。鳳鳥不識珍寶。梟鳴眷然顧之。慘然心悲。巾車命駕將適唐都。黃河洋洋攸攸之魚。臨津不濟。還轅息鄴。傷予道窮。哀彼無辜。翱翔于衛。復我舊廬。從吾所好。其樂只且。

既墜一作廬一作既墜焉歸一作焉師唐一作晉廬一作居琴操只載翱翔四句

樂操

乾澤而漁。蛟龍不遊。覆巢毀卵。鳳不翔。雷慘予心。悲遠原息。陬

家語曰還息于陬作樂操以哀之注云卽陬操非也

猗蘭操

古今樂錄曰孔子自衛反魯見香蘭而作此歌

習習谷風以陰以雨之子於歸遠送于野何

彼蒼天不得其所逍遙九州無所定處時人

聞蔽不知賢者年紀逝邁一身將老一作幽蘭操

獲麟歌

孔叢子曰叔孫氏之車子鉏商焦于野而獲麟焉衆莫之識以爲不祥棄之五父之衢冉有告曰腐身而肉角豈天之妖乎夫子往觀焉泣曰麟也麟出而死吾道窮矣乃歌曰

唐虞世兮麟鳳遊今非其時來何求麟兮麟

兮我心憂

曳杖歌

泰山其頽乎梁木其壞乎哲人其萎乎檀弓

秘書

王克論衡曰孔子將死遺書後始皇至魯觀孔子宅至沙丘而亡此虛也始皇不至魯

不知何一男子自稱秦始皇上我堂踞我牀顛倒衣裳至沙丘而亡

素書

鍾離意別傳云鍾離意為魯相出入私錢付戶曹孔訢修孔子車身入廟拭几席劔履男子張伯除堂下草得璧七枚懷其一以六枚白意孔子教授堂下牀頭懸一甕召訢問訢曰夫子甕也背有丹書意獲視之中有素書曰云云衛按以上兩書及端門血書體類謠故並載

後世修吾書董仲舒護吾車拭吾履發吾笥

鍾離意璧有七張伯懷其一

引逸詩

家語孔子在齊舍于外館景公造焉賓主之辭既接而左右白曰周使適至言先王廟災景公復問災何王之廟也孔子曰此必釐王之

廟公曰何以知之孔子曰詩曰云云禍亦如之釐王變去武之制奢侈而弗可振故天殃所宜加以是占之為然俄頃左右報曰所災者釐王之廟也景公驚曰善哉聖人之智過人遠矣

皇皇上天其命不忒天之以善必報其德

皇皇上帝其命不忒天之于人必報有德

子思子

引逸詩

見禮記緇衣篇

昔吾有先正其言明且清國家以寧都邑以

成。庶民以生。

曾參

歸耕操

琴操曰：曾子事孔子十有餘年，晨覺眷然念哀養之不備也，于是援琴而歌。日云云。

揭來歸耕。歷山盤兮。以晏父母。我心博兮。戲歛歸耕來兮。安所歸耕。歷山盤兮。

琴清英

殘形操

曾子夢一狸不見其首以爲不祥而作是曲。

梁山操

曾子耕太山下，雨雪不得歸，思父母而作梁山之操，亦曰憂思歌。

閉子騫

崔子渡河操

琴操曰：閉子騫所作也。崔子蚤失母，後母嘗以其死母名呼之，不應，輒笞之。崔子乃以渡河爲辭，繫石子腰，自沈而死。

子夏

端門血書

皇霸文紀曰：春秋說題辭，孔子謂子夏獲麟之月，天當有血書。魯端

門子夏往視之血書蜚為赤鳥化為帛鳥消書出化為圖中有制作之狀
 趣作法聖人滅周姬亡慧東出秦政起胡破
 術書記散孔子絕

左丘明

引逸詩

翹○翹○車○乘○招○我○以○弓○豈○不○欲○往○畏○我○交○朋○
 我○無○所○監○夏○后○及○商○用○亂○之○故○民○即○流○亡○
 俟○河○之○清○人○壽○幾○何○兆○云○詢○多○職○競○作○羅○

雖○有○絲○麻○無○棄○菅○蒯○雖○有○姬○姜○無○棄○蕉○萃○凡
 百○君○子○莫○不○代○匱○

周○道○挺○挺○我○心○局○局○講○事○不○令○集○人○來○定○

淑○慎○爾○止○無○載○爾○僞○

飛○矢○在○上○走○驛○在○下○
兵交使在其間今語
兩國兵交不罪其使

原壤

登木歌

禮記檀弓曰孔子之故人曰原壤其母死夫子助之沐槨原壤登木曰久矣予之不託于音也歌曰云云夫子為弗聞也而過之

豕首之斑然執女手之卷然

魯人驚

孔子誦

呂氏春秋曰孔子始用于魯魯人驚誦之云云驚人名也

麤裘而鞞投之無戾鞞之麤裘投之無翻
表鞞余裘求之無尤黑裘素鞞求之無戾
袞衣章甫實獲我所章甫袞衣惠我無私

比考證

子欲居九夷從鳳嬉

墨子

引逸詩

必擇所堪必謹所堪
魚水不務陸將何及

臯魚

引古語

枯魚銜索幾何不蠹

魯仲連子

引諺

百足之蟲三斷不僵。墨子云馮公之蟲三斷不僵馮公蟲名僵音躬
心誠憐白髮玄情不怡艷色媿

聲伯

夢歌

左傳曰聲伯夢涉洹或與已瓊瑰食之泣而為瓊瑰盈其懷從而歌之云

濟洹之水贈我以瓊瑰歸乎歸乎瓊瑰盈吾懷乎一作瓊瑰歌

曾童謠

鸛鶴謠

漢書五行志曰左氏傳魯文成之世童謠也至昭公時有鸛鶴來巢

鸛之鶴之公出辱之鸛鶴之羽公在外墊在饋之馬鸛鶴跣跣公在乾侯徵褰與襦鸛鶴之巢遠哉遙遙稠父喪勞宋父以驕鸛鶴鸛往歌來哭褰褻也襦在外短衣也往歌來哭謂昭公生出歌死還哭也

天祥商牟謠

家語曰齊有三足之鳥飛集于公朝止于殿前舒翅而跳齊侯怪之使使聘魯問于孔子孔子曰此鳥名商牟水祥也昔童兒屈脚振肩

而跳且謠云云今齊有之其應至矣
 矣。愆告民趨治溝渠修隄防將有大水為災頃之大霖雨水溢汎諸國傷害民人唯齊有備不敗天將大雨商牟起舞

魯人

朱儒誦

在傳襄公四年邾人莒人伐郕滅
 紇救郕敗于狐駟國人誦之曰
 滅之狐裘敗於狐駟我君小子朱儒是使朱
 儒朱儒使我敗於邾
 襄公幼弱故曰小子
 滅紇短小故曰朱儒

鄉人

南蒯歌

左傳昭公十二年季平子立而不
 禮于南蒯南蒯以費叛將適費飲
 鄉人酒鄉人歌曰云云言圃本
 殖蔬杞不宜生以喻蒯也
 我有圃生之杞乎從我者子乎去我者鄙乎
 倍其鄰者耻乎已乎已乎非吾黨之士乎

謝息

引言

晉人來治杞田季孫將以成與之
 謝息為孟孫守不可曰人有言曰
 雖有挈瓶之智守不假器

成人

歌

禮記檀弓曰成人有其兄死而不為衰者聞子臯為成宰遂為衰成人歌

蠶則績而蠨有匡范則冠而蟬有綏兒則死而子臯為之衰匡蠨殼似匡范蜂也綏謂蟬喙蚕范比成人蠨蟬比子臯

魯郊丹鷄祝

以斯翰音赤羽去魯侯之咎

茅鷓

昭人歌

左傳襄公二十八年齊慶封奔魯叔孫穆子食慶封慶封汜祭穆子不說使工為之賦茅鷓孔子聞昭人之歌而知往往

魯保母

大伯姬引

琴苑要錄曰伯姬引者保母之所作也伯姬魯女也為宋其公夫人公薨伯姬執節守貞魯襄公三十年宋宮災伯姬在焉有司請曰火將至矣伯姬曰吾聞婦人夜出不見傳母不下堂逮乎火而死其母

自傷行逢悼伯姬之
 遇災援琴而歌曰
 嘉名潔兮行彌彰托節鼓兮令躬喪歎欽何
 辜遇斯殃嗟嗟奈何羅斯殃

次室女

貞女引

琴苑要錄曰貞女引者魯次室女
 之所作也次室女倚柱悲吟而嘯
 鄰人謂曰欲嫁耶何吟之悲也次
 室女曰嗟乎吾傷民心悲而嘯豈
 欲嫁哉自傷懷潔而為鄰人所疑
 于是蹇裳而去之入山林之中見
 貞女之廟喟然歎息援琴而歌曰
 云云自縊而死繫骸骨于林兮附

神霧于貞女
 故曰貞女引
 菁菁茂木隱獨榮兮變化垂枝含蕤英兮修
 身養志建令名兮厥道不同善惡并兮屈躬
 就濁世疑清兮懷忠見疑何貪生兮

魯女陶嬰

黃鵠歌

列女傳曰魯陶嬰者陶明之女也
 少寡養幼孤無疆昆弟紡績為產
 魯人或聞其義將求焉嬰聞之恐
 不得免乃作歌明已之不更二定
 也魯人聞之遂不敢復求

悲夫黃鵠之早寡兮。七年不雙。宛頸獨宿兮。不與衆同。夜半悲鳴兮。想其故雄。天命早寡兮。獨宿何傷。寡婦念此兮。泣下數行。嗚呼哀哉兮。死者不可忘。飛鳥尚然兮。況于貞良。雖有賢雄兮。終不同行。

柳下惠妻


夫謚惠誄

列女傳柳下惠死。門人將誄之。妻曰。將誄夫子之德耶。則二三子不如妾知之也。乃誄曰。

夫子不伐兮。夫子之不竭兮。夫子之信誠而與人無害兮。柔屈從信。不强察兮。蒙耻救民。德彌大兮。雖遇三黜。終不弊兮。豈弟君子。永能厲兮。嗟呼惜哉。乃下世兮。庶幾遐年。今遂逝兮。嗚呼哀哉。魂神泄兮。夫子之謚宜為惠齊。

景公

投壺辭



左傳昭公十二年晉侯以齊侯宴中行穆子相投壺晉侯先穆子曰有酒如淮有肉如坻寡君中此為諸侯師中之齊侯亦舉矢曰云云亦中

有酒如澠有肉如陵寡君中此與君代興

管夷吾

弟子職

朱子謂疑是作內政時士之子常為士因作此以教之

先生施教弟子是則溫恭自虛所受是極見善從之聞義則服溫柔孝弟毋驕恃力志毋虛邪行必正直游居有常必就有德顏色整

齊中心必式夙興夜寐衣帶必飭朝盞莫習小心翼翼一此不懈是謂學則

右學則

少者之事夜寐蚤作既拚盥漱執事有恪懾衣共盥先生乃作沃盥徹盥汎拚正席先生乃坐出入恭敬如見賓客危坐鄉師顏色毋作

右蚤作

受業之紀必繇長始一周則然其餘則否始

誦必作。其次則已。凡言與行。思中以為紀。古之將興者。必繇此始。後至就席。狹至則起。若有賓客。弟子駿作。對客無讓。應旦遂行。趨進受命。所求雖不得。必以反命。反坐復業。若有所疑。捧手問之。師出皆起。

右受業對客

至于食時。先生將食。弟子饌饋。攝衽盥漱。跪坐而饋。置醬錯食。陳饌毋悖。凡置彼食。鳥獸魚鼈。必先菜羹。羹載中。別載在醬前。其設要

方。飯是為卒。左酒右醬。告具而退。捧手而立。三飯二斗。左執虛豆。右執挾匕。周旋而貳。唯噍之視。同噍以齒。周而有始。柄尺不跪。是謂貳純。先生已食。弟子乃徹。趨走進漱。拚前板祭。

右饌饋

先生有命。弟子乃食。以齒相要。坐必盡席。飯必捧手。擘羹不以手。亦有據膝。無有隱肘。既食乃飽。循屺覆手。振衽掃席。已食者作。摳衣

而降旋而鄉席各徹其餽如於賓客既徹并
器乃還而立

右乃食

凡拚之道實水于盤攘袂及肘堂上則播灑
室中握手執箕膺楪厥中有帚入戶而立其
儀不忒執帚下箕倚于戶側凡拚之純必繇
奧始俯仰磬折拚毋有徹拚前而退聚于戶
內坐板排之以葉適已實帚于箕先生若作
乃興而亂坐執而立遂出弃之既拚反立是

協是稽

右灑掃

暮食復禮昏將舉火執燭隅坐錯總之法橫
于坐所櫛之遠近乃承厥火居句如矩蒸間
容蒸然者處下捧椀以為緒右手執燭左手
正櫛有墮代燭交坐無倍尊者乃取厥籥遂
出是去

右執燭

先生將息弟子皆起敬奉枕席問何所趾俶

相○盍○各○長○其○儀○周○而○復○始○謂○弟○子○之○紀○
相○盍○各○長○其○儀○周○而○復○始○謂○弟○子○之○紀○

右退習

諷桓公

不○行○其○野○不○違○其○馬○
不○行○其○野○不○違○其○馬○

引逸詩

鴻○鵠○將○將○惟○民○歌○之○濟○濟○多○士○殷○民○化○之○

甯戚 一作甯越

飯牛歌

淮南子曰甯越欲干齊桓公困窮無以自達于是為商旅將任車以商于齊暮宿于郭門外桓公郊迎客夜開門辟任車爨火甚眾越飯牛車下擊牛角而疾商歌桓公聞之曰異哉非常人也命後車載之

南○山○研○白○石○爛○生○不○逢○堯○與○舜○禪○短○布○單○衣○
適○至○甯○從○昏○飯○牛○薄○夜○半○長○夜○漫○漫○何○時○旦○
滄○浪○之○水○白○石○粲○中○有○鯉○魚○長○尺○半○弊○布○單○
衣○裁○至○甯○清○朝○飯○牛○至○夜○半○黃○犢○上○阪○且○休○
息○吾○將○舍○汝○相○齊○國○

出東門兮厲石班。上有松柏青且闌。麤布衣
兮縕縷時不遇。兮堯舜主。牛兮努力食細草。
大臣在爾側。吾當與爾適楚國。劉向別傳

晏嬰

齊臺歌

晏子春秋曰景公起大臺之後歲
寒不已國人望晏子見公乃
坐飲酒樂晏子曰君若賜臣臣請
歌之歌曰庶民之言曰云云歌終
喟然流涕公止之曰子殆為大臺
之役夫寡人將速罷之
凍水洗我若之何。太上糜散我若之何。

庶人之餒我若之何。奉上糜散我若之何。文選

穗歌

晏子春秋曰景公為長康將欲美
之有風雨作公與晏子入坐飲酒
致堂上之樂酒酣晏子作歌曰云
云歌終顧而流涕張船而舞公遂
廢酒罷役不
果成長康

穗乎不得穫。秋風至兮殫零落。風雨之弗殺
也。太上之靡弊也。
禾有穗兮不得穫。秋風至兮盡零落。風雨之
弗殺也。太上之靡弊也。志林

役者歌

晏子春秋曰景公築長康之臺晏子侍坐觴三行晏子起舞曰云云舞三而涕下沾襟景公慙焉為之罷長康之役歲已莫矣而禾不獲忽忽矣若之何歲已寒矣而役不罷憒憒矣如之何

引語

晏子春秋曰初景公欲更其宅辭曰君之先臣容馬臣不足以嗣之及晏子如晉公更其宅及則成矣既拜乃毀之而為卑室皆如其舊則使宅人反之且諺曰云云二三子先卜鄰矣卒復其舊宅

非宅是卜惟鄰是卜

引語

樂矣君子善言是務

引語

五子不滿隅一子可滿朝

田穰苴

引語

不愛尺璧而愛寸陰旬

鼓聲不過閭，柝聲不過閭。

楊朱

歌

天○其○弗○識○人○胡○能○覺○匪○佑○自○天○弗○孽○繇○人○我○
乎○汝○乎○其○弗○能○知○乎○醫○乎○巫○乎○其○知○之○乎○
莊周之友曰季梁疾大漸其
子環而泣乞請醫季梁謂楊朱曰
汝奚不為我歌以曉之楊朱歌
曰云云俄而季梁之疾自瘳

莊周

引聲歌

古今樂錄曰莊周者齊人也隱于
山岳昏王遣使齎金百鎰聘以相
位周謝使者
去引聲歌曰

天○地○之○道○近○在○胸○臆○呼○翕○精○神○以○養○九○德○渴○
不○求○飲○饑○不○索○食○避○世○守○道○志○潔○如○玉○卿○相○
之○位○難○可○直○當○巖○巖○之○石○幽○而○清○涼○枕○塊○寢○
處○樂○在○其○央○寒○涼○回○固○可○以○久○長○

鼓盆歌

通○性○命○者○以○卑○及○尊○死○生○不○悼○周○不○可○論○也○
莊周之妻死惠子弔之
周方箕路鼓盆而歌曰

莊周

卷三

三

夫象見子皮無遠近必泣周何忍哉

子桑琴歌

莊子曰子與與子桑友而霖雨十日食之至子桑之門則若歌若哭鼓琴云云子與入曰子之歌聲何故若是曰吾思夫使我至此極者而不得也父母豈欲吾貧哉天地豈私貧我哉然而至此極者命也

父邪母邪天乎人乎

相和歌

莊子曰子桑戶孟子友子琴張二人相與友子桑戶死未葬孔子使

嗟來桑戶乎嗟來桑戶乎而已及其真而我猶為人猗

引詩

莊子曰儒以詩禮發冢大儒臚傳曰東方作矣事之何若小儒曰未解裙襦日中有珠詩固有之曰云云接其鬢摩其頰儒以金推控其頰徐別其頰無傷口中珠司馬注云此逸詩刺死人也

青青之麥生陵之陂生不布施死何含珠為

引語

聞道百以為莫已若
美成在久惡成不及改

衆人重利廉士重名賢士尚志聖人貴精

折楊

皇琴

莊子曰太音不入于俚耳折楊皇琴則嗑然而笑注歌辭名

犢牧子

雉朝飛操

崔豹古今注曰雉朝飛者犢沐子所作也齊宣王時處士泯宣年五

十無妻出薪于野見雉雌雄相隨而飛意動心悲乃仰天歎大聖在上恩及草木鳥獸而我獨不獲因援琴而歌以明自傷其聲中絕魏武帝時宮人有盧女者七歲入漢宮學鼓琴特異于餘妓善為涼聲能傳此曲郭本又載角牙琴歌于注今正作書

雉朝飛兮鳴相和雌雄羣遊於山阿我獨何命兮未有家時將暮兮可奈何嗟嗟暮兮可奈何

齊民

遺冠歌

古樂苑曰齊桓公飲酒醉遺其冠
 耻之管仲曰公不雪之以政公曰
 善因發倉賜貧窮
 三日而民歌之曰
 公胡不復遺其冠乎

移河謠

詩所曰桓公闕八流招境塞其
 東流八枝并使歸于徒駭也
 移河為界在齊呂填闕八流以自廣

東郭謠

桓公末墜牙易牙
 開方見幸故謠云
 東郭有犬嗷嗷我獍西郭有犬嗷

嗷。日夕欲噬我獍。北郭有犬嗷嗷。日夕欲噬
 我獍。

萊人歌

左傳哀公五年秋齊景公卒冬十
 月公子嘉公子駒公子黔奔衛公
 子鉏公子陽生來
 奔萊人歌之曰

景公死乎不與埋三軍之士乎不與謀師乎
 師乎何黨之乎黨所也

齊人歌

左傳哀公二十一年公與齊侯相
 子盟于顧齊人責稽首因歌之責

十七年齊侯為魯人稽首不見谷
 魯人之皐數年不覺使我高蹈唯其儒書以
 為二國憂也言魯據周禮不肯答稽首冷齊
 知遠至

菜芑歌

史記田常成子與監止俱為左右
 相相齊簡公田常心害監止監止
 幸于簡公權弗能去于是田常復
 修釐子之政以大斗出貸以小斗
 收齊人歌之曰
 未 姬乎菜芑歸乎田成子

公孫夏

虞殯

魯哀公會吳伐齊齊公
 孫夏命其徒歌虞殯

秋風入松柏曲

雍門為齊王奏此音
 極慘悽王寒思者縉

管仲妾

白水

列女傳曰甯戚每之見管仲也亟
 稱曰浩浩乎儵儵乎管子不解歸
 而不怡有少妾問焉仲曰非而與
 知也妾曰毋少少毋賤仲以語

浩浩白水。儵儵之魚。君來召我。我將安居。國
家未立。從我馬如。浩浩者水。育育者魚。未有室家。而召我安居。

杞梁妻

琴歌

崔豹古今注曰杞梁妻者杞殖妻
妹朝日之所作也殖戰死妻日上
則無父中則無夫下則無子人生
之憂至矣乃抗音長哭杞都城感
之而頽遂投水而死其妹悲姊之
貞乃作歌名曰杞梁妻焉

樂莫樂兮新相知。悲莫悲兮生別離。哀感皇
天。城為隳。

田齊

懿仲

上妻陳敬仲繇

左傳陳宣公殺太子御盜厲公子
定字敬仲奔齊桓公使為工正初
陳大夫懿仲上妻敬仲其妻卜之
曰云云懿仲曰吉率以女妻敬仲
生穉孟以田為氏至後田和
篡齊為侯傳孫為齊威王

鳳凰于飛。和鳴鏘鏘。有媯之後。將育于姜。五

世其昌。並于正卿。八世之後。莫之與京。

孟嘗君

引語

借車者。馳之。借衣者。被之。戰國策曰。孟嘗君擇舍人。以為武城吏。而遺之。曰。鄙語。豈不以

淳于髡

田者祝

史記淳于髡傳。齊威王使髡于趙。請兵禦楚。齎兵百。劔車馬十。駟。仰天大笑。冠纓索絕。王曰。先生少乏乎。髡曰。臣從東方來。見道傍有

穰田者。操豚蹄酒一盃。而告曰。云。臣見其所持者狹。而所欲者奢。故笑。

甌窶。滿篝。污邪。滿車。五穀蕃熟。穰穰滿家。史記

蠃螺者。宜禾。污邪者。滿車。五穀蕃熟。穰穰滿

家。蠃螺。高地也。污邪。下地。田也。荀子注。

鷓鴣

引語

截趾適履。孰云其愚。何與斯人。追欲喪軀。

齊人頌

史記荀卿趙人年五十始來遊學于齊騶衍術迂大而闕辨黃也文具難施淳于髡久與處時有得善言故齊人誦之曰天口騶談天衍雕龍頭炙轂過髡

蘇秦

引諺

戰國策曰蘇秦謂齊閔王曰語曰云云何則後起之籍也今天下之相與也不並滅有能案兵而後起奇然而誅不直微用兵而寄於義則亡天下可踰足而須也

騏驥之衰也駑馬先之孟賁之倦也女子勝

之

狐援

辭

呂氏春秋曰狐援說齊潛王王不受狐援出而哭五日其辭曰先出也衣絺紵後出也滿囹圄吾今見民之泫泫然東走而不知所處

又

後齊王問吏曰哭國之法若何吏曰斷王日行法狐援乃言曰有人自南方來鮒人而鮒居使人之朝為草而國為墟殷有比干吳有子胥齊有狐援已

不用若言又斫之東間每斫者以吾參夫二子者乎

田單

士卒倡

無可往矣宗廟亡矣今日尚矣歸何黨矣

攻狄謠

大冠若箕修劍拄頤攻狄不能下壘枯丘

齊人

松柏歌

松邪柏邪建共者客邪

激楚

鹽女諫齊宣王曰聽激楚之遺風

古逸詩

卷三

三

馮驩

彈鋏歌 三章

史記孟嘗君傳馮驩見孟嘗君居傳舍十日孟嘗君問傳舍長曰客何所為答曰馮先生甚貧惟有一劍耳又刺絃彈其劍而歌曰云云

長鋏歸來乎食無魚
長鋏歸來乎出無車
長鋏歸來乎無以為家

田橫客

挽歌 二章

堯山堂外紀云秦末田儋從弟榮弟田橫皆豪強能得士兄弟三人更主橫後為齊王居海島漢有天下召橫至千戶鄉自到從客聞之不敢哭為挽歌歌之云云

薤上朝露晞
露晞明朝更復落
人去何時歸
蒿里誰家地
聚歛精魂無賢愚
鬼伯一何相催促
人命不得少踟蹰

古逸詩載卷四

宣城麻三衡孟璿輯

晉

獻公

伐驪戎繇

晉獻公卜伐驪戎史蘇卜之日勝
 而不吉公曰何謂也對曰遇兆曰
 揆以銜骨齒牙為猾戎夏交狎
 也猾弄也齒牙為猾以象讒口之為
 害也此為伐戎獲驪姬亂晉之兆
 驪姬繇

晉獻公伐驪戎克之獲驪姬有寵欲以為夫人卜之不吉筮之吉公自從筮卜人曰筮短龜長不如從長且其繇曰云云

專之渝攘公之瑜一冀一猶十年尚猶有臭指申生奪嫡也十年有臭言善易消惡難除

嫁伯姬繇

士剗羊亦無盍也女承筐亦無貺也
左傳晉獻公筮嫁伯姬于秦遇歸妹之睽史蘇占之曰不吉其繇曰羊無血承筐無西鄰責言不可償也
將嫁女既不吉之象也西鄰責言不可償也
遇不吉之卦故知鄰有歸妹之睽猶無相也
責讓之言不可以償報

勝乖離之象相助也震之離亦離之震
二卦變而為雷

為火為嬴敗姬
震為雷離為火火車說其輟
火焚其旗不利行師敗于宗丘
震為車離為旗

則不利行師故敗歸妹睽狐寇張之弧
此睽詞不出國近在宗丘
謂晉公子圍質于秦穆公以女妻之
六年其逋逃歸

其國而棄其家
懷公故秦女稱懷嬴
明年其死于高梁之墟
懷公死之明年重耳入殺

其應也

伐虢諶

左傳曰晉獻公伐虢圍上陽問于偃曰吾其濟乎偃以童謠對曰克之十月丙子旦日在尾月在策鶉火中必是時也冬十二月丙子朔晉滅虢虢公醜奔京師

丙之晨龍尾伏辰均服振振取虢之旂鶉之賁賁天策焯焯火中成軍虢公其奔丙日之龍尾尾星也均同也戊事上下同服鶉鶉火星也賁賁鳥星之體也焯焯無光耀也

惠公

誥

漢書五行志曰晉惠公賴秦力得立立而背秦內殺二大夫國人不得

恭太子更葬兮後十四年晉亦不昌昌乃在其兄

說乃更葬其兄恭太子申生而不敬故詩妖作也後與秦戰為秦所獲立十四年而死晉人絕之更立其兄重耳是為文公遂伯諸侯

恭世子誦

國語晉惠公改葬其世子臭達于外國人誦之曰云云

貞之無報也孰是人斯而有是臭也貞為不聽信為不誠國斯無刑媮居幸生不更厥貞太命其傾威兮懷兮各聚爾有以待所歸兮

古。逸。言。章。猗。兮。違。兮。心。之。哀。乎。歲。之。二。七。其。靡。有。微。兮。若。翟。公。子。吾。是。之。依。兮。鎮。撫。萬。國。為。王。妃。兮。
刑。法。也。威。畏。也。懷。思。也。國。人。畏。惠。公。思。重。耳。也。二。七。十。四。也。微。志。也。翟。重。耳。出。亡。所。居。也。王。妃。言。能。為。王。者。妃。耦。也。

輿人誦

國語曰。晉惠公入而背內外之賂。輿人誦之曰云云。○惠公初求納許。素以河外列城五許。里克以汾陽之田百萬。不鄭負葵之田七十萬。及入立。皆背之。秦伐晉。戰于韓原。獲晉侯。既而歸之。侯之見侯。果喪其田。詐之見詐。果喪其賂。得

國而狃。終逢其咎。喪田不懲。禍亂其興。

厲公

鄢陵繇

左傳。成公十六年。晉侯將伐鄭。鄭人使去于楚。楚子救鄭。六月。晉楚遇于鄢陵。公筮之。史曰。吉。其卦遇復。日

南國。賊射其元主。中厥目。
南。陽。氣。起。于。南。也。賊。國。勢。賊。也。南。國。

賊則離受其咎。離為諸侯。又為目。後果戰射楚元王中目。

士鷲

狐裘詩

古逸詩

卷四

四

左傳僖公五年春晉侯使士蔿為
 二公子築蒲與屈不慎置薪焉
 蔿之無喪而感憂必讐焉無我而城
 讐必保馬寇讐之保又慎焉詩
 日懷德惟寧宗子惟城君其修德
 而固宗子何城如之三十年
 將尋師焉用慎退而賦日
 狐裘老茸一國三公吾誰適從
 服多也二公
 蒲屈耦國二公子與獻公立為三王為言城
 不堅則為訥為讓堅則固讐不忠是何所從

引諺

晉獻公為太子申生城曲沃士蔿
 日太子不得立矣不如逃之無使
 罪至且諺日云云天
 若祚太子其無晉乎

心苟無瑕何恤乎無家

優施

暇豫歌

國語曰晉優施通于驪姬姬欲害
 申生而難里克優施乃飲里克酒
 中飲優施起舞日云云里克笑日
 何謂苑何謂枯優施日其母為夫
 人其子為君可不謂苑乎其母既
 死其子又有謗可不謂枯乎且
 有傷里克懼乃
 定中立之計

暇豫之吾吾不如鳥鳥人皆集於苑已獨集
 於枯
 吾吾不敢自親之貌言里克雖敬謹事
 君然其智不如飛鳥苑茂木也已里古

也。喻人皆與奚齊。克獨與申生也。

介子推

士失志操

一作龍蛇歌 一作懸宮門書

有龍矯矯。遭天譴怒。三蛇從之。一蛇割股。二蛇入國。厚蒙爵土。餘有一蛇。棄於草莽。

史記曰。晉獻公殺太子。文公重耳奔狄。其後反國。賞從亡者。未及介子推。子推欲隱。從者憐之。乃懸書宮門。文公出見之。曰。此介子推也。使人召之。亡入綿上山中。于是文公環綿上山而封之。以為介推田。號曰介山。是也。說死載舟之僑有。有龍歌其詞與新序大同。不載。

有龍于飛。周徧天下。五蛇從之。為之承輔。龍及其鄉。得其處所。四蛇從之。得其露雨。一蛇羞之。擣死于中野。

呂氏春秋

龍欲上天。五蛇為輔。龍已升雲。四蛇各入其宇。一蛇獨怨。終不見處所。

史記

有龍矯矯。將失其所。有蛇從之。周流天下。龍既入深淵。得其安所。蛇脂盡乾。獨不得甘雨。

新序

有龍矯矯。頃失其所。五蛇從之。周徧天下。龍

饑無食。一蛇割股。龍反其淵。安其壤土。四蛇入穴。皆有處所。一蛇無穴。號於中野。說苑

韓厥

引古諺

晉樂書中行偃執厲公召韓厥厥辭曰古之人有諺曰云云而况于

殺老牛莫之敢口

伯宗

引諺

楚子圍宋宋告急於晉晉侯欲救之伯宗曰不可古人有言曰云云天方授楚未可與爭諺曰高下云云天之道也君其待之乃止

雖鞭之長不及馬腹

高下在心川澤含汚山藪藏疾瑾瑜匿瑕國君含垢漢書亦引此無高下在心一句

羊舌職

引諺

晉命士會將中軍于是晉國之盜逃歸于秦羊舌職曰善人在上則國無幸民諺曰

民之多幸國之不幸也

全舌肝

讒鼎銘

札註云讒鼎名也服虔云讒疾之鼎也

昧旦不顯後世猶怠况日不悛其能久乎
紀詩
左傳晏嬰為景公請繼室于晉叔向從之宴相與語曰齊其如何晏子曰此季世也齊其將為陳氏矣叔向曰吾公室亦季世也政在家門民無所依君日不悛以樂悛憂讒鼎之銘日云云况日不悛其能久乎明堂位所云崇鼎一云讒地名禹饒鼎于甘讒之地俱無攷

子服惠伯

引諺

晉人執季孫意如子服惠伯移于中行穆子曰魯兄弟日土地猶大所命能與若為夷棄之使事秦楚其何瘵于晉諺日云云吾豈無大國乃歸季孫

臣一玉二

申叔時

引言

楚伐陳因縣陳陳侯在晉申叔時日夏徵舒弑其君其罪大矣抑人有言云云諸侯之從也日討有罪也今縣陳貪其富也無乃不可乎

古詩

卷四

古逸言車 卷四
牽牛以蹊人之田而奪之牛牽牛以蹊者信
有罪矣而奪之牛罰已重矣

輿人言

原田歌

左傳晉侯宋公齊國歸父崔夭秦
小子憇次于城濮楚師背鄗而舍
晉侯患之聽輿人之誦曰云云鄗
丘陵險阻名晉侯恐眾畏險故聽
其歌
原田每每舍其舊而新是謀
言晉軍美盛若
然可以謀立新
功不足念舊惠

師曠

引諺

晉侯問師曠曰吾年七十而欲好
學得無既老乎師曠曰胡不秉燭
晉侯怒以為其戲之心師曠
曠進曰臣聞之諺云云
少而學如日出之陽壯而學如日中之光老
而學如秉燭之明

趙

文子

引周諺

古逸詩書 卷四 九
察見淵魚者不祥。智料隱逸者殃。

引古語

國語號之會楚人將以叔孫豹為戮趙文子引古語云云固請于楚而免

善人在患弗救。不祥。惡人在位弗去。亦不祥。

武靈王

引諺

史記趙武靈王始出胡服之令羣臣皆諫止王毋胡服如故法使王曰先王不同倍何古之法帝王不相襲何禮之循故諺曰云云

以書為御者不盡馬之情。以古制今者不達事之變。

幽穆王

山木謳

趙王遷于房陵心懷故鄉作山木謳云

山有木兮木有枝。心○思○君○兮○君○豈○知○

平原君

引諺

孔叢子曰平原君與子高飲強于高酒曰昔有遺諺云云古之聖賢

無不能飲也

吾子何離焉

堯舜千鐘。孔子百觚。子路嗑嗑尚飲。十榼。

肥義

引諺

史記趙王父初以長子章為太子。後得吳娃生子何。乃立何為王。章心不服。其弟所立。王父又使田不禮相。李兌謂肥義曰。二人相得必有謀。子奚不稱疾毋出。肥義曰。不可。昔者王父以王屬義也。諺曰。云吾言已在前矣。後章與田不禮作亂。令召王。肥義先入。殺之。

死者不生。生者不媿。

慎到

引諺

不聰不明。不能為王。不聾不聾。不能為公。

趙人

謹

史記趙幽繆王遷五年。代地大動。六年大饑。民譎言曰。云云。七年秦人攻趙。趙大將李牧將軍司馬尚將擊之。李牧誅司馬尚免。趙忽及齊將顏聚代之。趙軍忽破。顏聚亡去。以王遷降。

趙為號。秦為笑。以為不信。視地上不毛。

女娟

河激歌

列女傳曰女娟者趙河津吏之女也簡子南擊楚津吏醉臥不能渡簡子怒欲殺之娟懼持楫走前曰願以微軀易父之死簡子遂擇不誅將渡用楫者少一人娟攘拳操楫而請簡子遂與渡中流為簡子發河激之歌簡子歸納為夫人

升彼河兮而觀清水揚波兮冒冥冥禱求福兮醉不醒誅將加兮妾心驚罰既釋兮瀆乃清妾持楫兮操其維蛟龍助兮王將歸呼來

權兮行勿疑

處女

鼓琴歌

史記曰趙武靈王夢見處女鼓琴而歌異日王飲酒樂數言所夢想見其狀吳廣聞之因夫人而內其女姓嬴孟姚也孟姚甚有寵于王是為

美人熒熒兮顏若茗之榮命乎命乎曾無我

魏 嬴

獻子

引諺

古樂苑曰梗陽人有獄賂以女樂
 魏子將受之魏成謂閭設女寬曰
 吾子必諫饋入召之此三歎既食
 魏子曰吾聞諸伯叔諺曰云云吾
 子置食之間三歎何也同辭而對
 曰饋之始至恐其不足是以歎中
 置自咎曰豈將軍食之而有不足
 是以再歎及饋之畢願以小人之
 腹為君子之心屬厭
 而心獻子辭梗陽人

惟食忘憂

惟食可以忘憂

國語

魏人

段干木歌

呂氏春秋曰魏文侯過段干木之
 閭而軾之其僕曰君胡為軾曰此
 非段干木之間歟段干木蓋賢者
 也吾安敢不軾其僕曰然則君何
 不相之於是君請相之段干木不
 肯受則君乃致祿百萬而時往館
 之國人相
 與誦之曰

吾君好正○段干木之敬○吾君好忠○段干木之
 隆

鄴民

古逸詩章

卷四

三

河內歌

史記魏襄王以史起為鄴令引漳水溉鄴以富魏之河內民作歌云
 鄴有賢令今為史公決漳水今灌鄴旁終古
 烏鹵兮生稻梁

張儀

引周語

張儀說魏王曰從人多奮難而少
 可信人主與其辨而牽其說豈得
 無眩哉臣聞
 之語云云

積羽沈舟羣輕折軸眾口鑠金積毀銷骨

策國

眾口銷金積毀銷骨叢輕折軸羽翮飛肉

書漢

韓

聶政

刺韓王操

詩所曰聶政父為韓王治劍不成
 見殺時政未生及壯思為報仇乃
 入太山學鼓琴漆身吞炭變其形
 聲七年而琴成遇其妻妻泣曰何
 齒之似也政復授石擊落其齒
 更留山中三年入韓鼓琴闕下觀
 者成行牛馬上聽韓王召政見之
 令鼓琴政先內刀琴中因刺殺王

韓非

引古諺

為政猶沐也。雖有棄髮之費，而有長髮之利也。

長袖善舞，多財善賈。

虜自賣裘而不售，士自譽辨而不信。

奔車之上無仲尼，覆舟之下無伯夷。

巫咸雖善祝，不能自祓也。秦醫雖善除，不能

自殫也。

築社者，撻擻而置之，端冕而祀之。

引語

矜偽不長，益虛不久。

家有常業，雖饑不餓。國有常法，雖危不亡。

規有摩而水有波，我欲更之，無柰之何。

其母好者，其子抱。

有福不及，禍來連我。

一手獨拍，雖疾無聲。

蘇秦

引諺

寧為鷄口無為牛後

蘇代

引諺

貴其所以貴者貴

蘇秦為趙合從說韓曰臣聞鄙諺云云今大王西面交臂而臣事秦何以異于牛後乎
秦圍宜陽蘇代為公仲謂向壽曰禽困覆車秦楚合復攻韓韓必亡公仲躬率其私徒以圖于秦諺曰云云人皆言楚之多詐也而公必之是自為貴也不如善韓以待之

衛

獻公

引古語

非所怨勿怨

靈公

石柳銘

衛侯入使讓太叔文子曰寡人淹恤在外二三子皆使寡人間衛國之言吾子獨不在寡人古人有言曰云云寡人怨矣

博物志曰衛靈公葬得石柳銘日云云一作掘沙丘得石柳銘

不逢箕子。靈公奪我里。
不馮其子。靈公奪而里。
不馮其子。靈公奪而藏之。

莊公

夢諫

左傳哀公十五年。衛蒯聵為太子。出在蒯。靈公卒。國人立其子。輒蒯聵與譚良夫盟。曰。苟使我入。獲國。服冕。乘軒。三死無與。良夫。孔氏豎也。遂與太子迫。孔懼。遂輒自立。是為莊公。十六年。衛莊公謂譚良夫。曰。吾繼先君。而不得其器。若之何。良夫代執火者。而言曰。疾與亡君。

渾

皆君之子也。召之。而擇材焉。可也。若不材。器可得也。豎吉。太子去。子使五人與殺。從已。劫公。而強盟之。且請殺良夫。公曰。其盟免三死。日請三之後。有罪殺之。公曰。諾。哉。十七年春。衛侯為虎幄于藉。圖成。求令。石者。而與之。始食焉。太子請使良夫。良夫乘裘。向兩牡。紫衣。振裘。至。袒裘。不釋劍。而食。太子使牽以退。數之以三罪。而殺之。莊公夢于北宮。見人登昆吾之。觀北面。而諫曰。登此昆吾之墟。縣縣生之。瓜余為譚良夫。叫天無辜。

筮夢繇

莊公既夢見人登昆吾之觀被髮
 北面而諫曰云云乃親筮之甯
 救占之曰不害逃奔宋公貞上其
 繇云云晉伐衛石圃作難攻公公
 閉門請弗許踰于北方
 而隊為戎州人所殺
 如魚窺衛流而方牟裔焉大國滅之將亡闔
 門塞竇乃自後踰
 也邊

孫林父

追鄭師繇

左傳哀公十年楚伐宋衛師救宋
 師于襄牛鄭皇耳帥師侵衛楚令

兆如山陵有夫出征而喪其雄
 也孫文子卜追之獻兆于定姜姜
 氏問繇繇曰云云姜氏曰征者喪
 雄禦寇之利也大夫圖之衛
 人追之獲鄭皇耳于大丘

彪僕

引諺

周敬王十年劉文公與莒弘欲城
 成周將合諸侯衛彪僕適周見單
 穆公曰莒劉其不沒乎諺曰云云
 后穆勤周十有五世而與幽王亂
 之十有四世守府
 之謂多胡可興也

從善如登從惡如崩

師涓

離鴻

去鴈

蘋生

一作應蘋

右三曲歌春

明晨

焦泉

一作集泉

朱華

流金

右四曲歌夏

商飈

白雲

落葉

吹蓬

右四曲歌秋

嚴凝

一作凝河

流陰

沈靈

右三曲歌冬

拾遺記曰師涓為衛靈公造此寓
 列代之聲靈公耽而惑之蘧伯玉
 諫曰此雖發揚氣緯終為沈湎靡
 曼之音無會于風雅靈公乃去新
 聲師涓悔之退而隱

流徵

滌角

衛女

思歸引

琴操曰衛有賢女邵王聞其賢而
 請聘之未至而王薨太子曰吾聞

齊桓公得衛姬而霸今衛女賢欲
 留大夫曰不可若女賢必不我聽
 若聽必不賢不可取也太子遂留
 之果不聽拘于深宮思歸不得遂
 援琴而作歌
 曲終繼而死

涓涓淇水流於淇兮有懷于衛靡日不思執
 節不移兮行不詭隨坎壈何辜兮離厥茨
 涓涓泉水流及於淇兮有懷于衛靡日不思
 執節不移兮行不隳矜軻何辜兮離厥菑
 嗟乎何辜兮離厥菑

要錄

鄭

叔詹

引諺

晉公子重耳過鄭，鄭文公不禮，叔詹諫弗聽，曰：「若不禮焉，則請殺之。」

黍稷無成，不能為榮。黍不能蕃，廩稷不為稷，不能蕃殖，所生不疑，惟德之基。

孔叔

引諺

齊人伐鄭，孔叔言于鄭伯曰：「諺有之云云，既不能彊，又不能弱，所以。」

心則不競，何憚於病也。

公子歸生

引言

晉侯不見鄭伯，以為貳于楚也。鄭子家使執訊而與之，書以告趙宣子曰：「自古之人有言曰：『云云。』又曰：『云云。』小國之事大國也，德則其人也不德，則其鹿也。鋌而走險，急何能擇！將悉敫賦以待于儻，晉鞏朔行成於鄭。」

畏首畏尾，身其餘幾。

鹿死○不擇音音古

公孫僑

引諺

子產適晉趙景子問曰伯有猶能為鬼乎子產曰良霄我先君穆公之胃子良之孫子耳之子敝邑之卿從政三世矣抑諺曰云云能為鬼不亦宜乎

葛爾國而三世執其政柄

又諺

鄭駟偃卒其父兄立偃叔父子弱晉人使問故子產對曰其子幼弱

無過亂門

引古言

其一、二父兄私族子謀而立長親寡君與其二三老曰抑天實剝亂是吾何知焉諺曰云云民有兵亂猶或過之而況敢知天之所亂

其父析薪其子弗克負荷

引逸詩

禮義不愆何恤乎人言

子產為鄭豐施歸州曰于韓宣子曰日君以公孫段為能任其事而賜之州田其子弗敢有古之人有言日云云敢以為請宣子受之

輿人

子產誦

左傳曰鄭子產從政下年輿人誦之曰云云

取我衣冠而褚之。取我田疇而伍之。孰殺子產。吾其與之。

又誦

我有子弟。子產誨之。我有田疇。子產殖之。子產而死。誰其嗣之。

游吉

引言

鄭伯如晉。子太叔相。見范獻子。獻子曰。若王室何。對曰。老夫其國家不能恤。敢及王室。抑人亦有言曰。云云。今王室實蠢蠢焉。吾小國懼矣。然太國之憂也。吾子其圖之。

嫠不恤其緯

列禦寇

引古語

並見冲虛經

生相憐。死相捐。人不婚宦。情欲失半。人不衣食。君臣道息。

日○日○獻○玉○衣○旦○旦○進○玉○食○
生○無○一○日○歡○死○有○萬○世○名○
良○弓○之○子○必○先○為○箕○良○治○之○子○必○先○為○裘○

引諺

爭魚者濡逐獸者趨

宋

正考父

鼎銘

左傳魯孟僖子曰吾聞將有達者
日孔丘其祖弗父何及正考父佐

戴武宣二十命茲益共故其
鼎銘云其共也如是

一○命○而○僂○再○命○而○偃○三○命○而○俯○循○墻○而○走○亦
莫○余○敢○侮○饘○於○是○鬻○於○是○以○餬○余○口○

樂豫

引諺

宋昭公欲去羣公子樂豫曰公族
公室之枝葉也葛藟猶能庇其木
根況君子乎諺
所謂云云者也

庇○焉○而○縱○尋○斧○焉○
尋量木物也借木之庇而
繼放尋以量之斧以伐之

城者

華元歌

左傳鄭公子受命于楚伐宋宋華元樂呂御之戰于大棘宋師敗績囚華元獲樂呂宋人以兵車百乘文馬四駟以贖華元于鄭半人華元逃歸宋城華元為植巡功城者謳以譏之華元亦作歌使驂乘者益之役人又復

睥其目。睥其腹。棄甲而復。于思于思。棄甲復。

睥出自也。睥大腹也。于思多鬚貌。思古腮字。

驂乘谷歌

牛則有皮。犀兕尚多。棄甲則那。那猶何也。雖

役人又歌

從其有皮。丹漆若何。言雖有皮無丹漆亦不能成甲也。豈可棄之哉。

築者

澤門之誓謳

左傳襄公十七年宋皇國父為人宰為平公築臺于門妨于農收于罕請俟農功之畢公弗許築者謳曰

澤門之誓實興我役邑中之黔實慰我心。

野人

婁豬歌

既定爾婁豬盍歸吾艾豸婁豬喻南子艾豸喻宋朝

韓馮妻何氏

烏鵲歌

皇霸文紀曰韓馮取妻而美康王奪之馮怨王囚之論為城旦妻遺馮書謀其辭王以問蘇賀賀曰用淫淫言愁且思也河水深不得往來也日當心有死志也俄而馮自殺妻乃陰腐其衣王與之登臺遂自臺投之左右攬之衣不中手遺書于王曰王利其生不利其死願以屍骨賜馮而合葬乎王覽書怒弗聽使人埋之塚相望也有文梓

南山有烏北山張羅烏自高飛羅當柰何生于二塚之端屈體相就根交于下又有鴛鴦雌雄各一酒泊樹上交頸悲鳴宋人號其木曰相思樹今睢陽有韓馮城

右一

烏鵲雙飛不樂鳳皇妾是庶人不樂宋王

右二

荅夫歌

其雨淫淫河大水深日出當心

吳

闍廬

靈寶誕

靈寶要錄曰昔太上以靈寶五篇
 真文以授帝魯帝魯將仙封之于
 鍾山至夏禹巡狩度弱水登鍾山
 遂得是文後復封之包山洞庭之
 室吳王闍廬出遊包山見一人自
 言姓山名隱居闍廬扣之乃人洞
 庭取素書一卷呈闍廬問其文不可
 識令人齋之問孔子孔子曰丘聞
 童謠云闍廬乃尊事之

吳王出遊觀震湖龍威丈人山隱居北上包
 山入靈墟乃入洞庭竊禹書天地大文不可

舒此文長傳百六初若強取出喪國廬

墓石銘

嗚呼吾之君王棄吾之邦遷于重岡維岡之
陽吾王之邦

伍員

河上歌

吳越春秋曰楚自喜奔吳吳王闍
 問以為大夫與謀國事吳大夫被
 離問子胥曰何見而信喜子胥曰
 吾之怨與喜同子不聞夫河上之
 歌乎

同病相憐。同憂相抃。驚翔之鳥。相隨而集。瀨下之水。因復俱流。胡馬望北風而立。越鷺向日而熙。誰不愛其所近。悲其所思者乎。

申叔儀

庚癸歌

左傳魯哀公十三年公會單平公。晉定公吳夫差于黃池。吳申叔儀作歌乞糧于公孫有山氏。有山氏對曰。梁則無矣。粗則有之。若登首山。以呼曰。庚癸乎。則諾。註軍中不得出糧。故為私隱。庚西方王穀。癸北方主水。傳言吳子不與。士共饒滑所以取亡也。

佩玉繁兮。余無所繫之。旨酒一盛兮。子與褐之父。睨之。

童謠

述異記吳王夫差立春宵宮。為長夜之飲。造千石酒鍾。又作天池。池中造青龍舟。日與西施為水嬉。又有別館在句容。楸梧成林。樂府云是也。

梧宮秋。吳王愁也。

吳國人

小海唱

伍子胥諫吳王言不納用見戮投海國人痛其忠烈而作此唱

吳木客吟

吳越春秋曰吳王好起官室越勿踐選名山神材而獻之使木工三千餘人入山伐木皆有怨望之心而作木客吟

紫玉歌

歌

搜神記曰吳王夫差小女名玉悅童子韓重欲嫁之不得乃結氣而死重游學歸知之往弔于墓側玉形見顧重延頸而歌曰
南山有鳥北山張羅意欲從君讒言孔多悲

結○成○疹○歿○命○黃○墟○命○之○不○造○冤○如○之○何○羽○族○之○長○名○為○鳳○皇○一○日○失○雄○三○年○感○傷○雖○有○衆○鳥○不○為○匹○雙○故○見○鄙○姿○逢○君○輝○光○身○遠○心○近○何○曾○慙○忘○

王孫雄

引語

國語越人吳吳使王孫雄請行成於越范蠡不許雄曰語云云今吾稻蟹不遺種子將助天為虐不思其不祥乎

無助天為虐助天為虐者不祥

